

達士王先生者以忠節隱其名永樂初寓居金華府東陽縣之東山自號大呆子儀容俊偉趣識超羣惟披麻戴笠不服常服日盤桓於山南村落之間狂歌自適其與宴游者皆不識其姓氏惟與王姓俱則以宗兄稱之遂以王先生呼焉嘗與村中人曰他日吾逝只祈斂吾尸懸於林杪足矣時又號玉華山樵張三丰聞而嘆曰此建文遺臣也

### 徐延之

逸士徐延之先生伯齡自號籜冠子錢塘人也天資敏妙書過目不忘特性情踈蕩不拘小節對客每赤足科頭內衣無繫帶行輒委墮人多笑之士大夫慕名而來者一見後卽倦與往還

### 道藏輯要

三丰全集

隱鑑

三

續畢集七

### 王原夫

處士王原夫先生逢饒州樂平人也淹貫經史研精理學朝廷屢召不赴深居崖谷冲和淡然宣德初復以明經召見力辭歸家著言行志諸書學者稱松塢先生

### 俞古章

逸士俞古章先生杭之富陽人也肥遯邱園名聞湖海宦游於浙者皆欲得賭其眉宇爲快正統間藩臬諸公先後封章薦舉不起親友間有勸之者則爲聾病謝之閒游山澤或對木石而

談如瘋顛狀人卒莫之信也一日吳和州又欲薦之先生乃以詩力辭焉詩云青雲有路念緇袍迢遞和州薦剡勞下乘難隨千里馬虛名恐誤九方臯稽康自信隨時懶少室誰云索價高縱使陽和動鄒律秋風雙鬢已蕭騷

### 徐勉仁

處士徐勉仁先生恕甯波人也正統間以古文鳴世甬東好文者皆就其門而學焉先生居山澤間凡求名之士雖是舊友皆弗與流連少年中有慕隱者則獎許之曰綠髯青山正堪掩映顏閔伊周各行其是而已後屢有國召皆不應移家於杭竟著書以終其身

### 道藏輯要

三丰全集 隱鑑

三

續集七  
川

### 許澹初

居士許澹初先生魏谿叟也正統間叟年九十忽然棄家學道不知所之其同庚有石內含者桐城人居郭北石塘享年一百有三子眾孫繁百歲之曰賦詩憶淡初云庚申共守人何處甲午同生獨詠詩蓋亦明之錢鏗也

### 沈啟南

逸士沈啟南先生周長洲人也景泰中以賢良應詔力辭不起號石田翁詩文之外益工畫石高古清奇筆墨與人品相肖

### 方元素

逸士方元素先生太古蘭谿人也自號寒谿子清曠夷猶超然